

VENDIM
Nr. 829, datë 30.12.2025

**PËR DISA SHTESA DHE NDRYSHIME NË VENDIMIN NR. 789, DATË 15.12.2021,
TË KËSHILLIT TË MINISTRAVE, “PËR KRITERET, MËNYRËN E SHPËRBLIMIT
DHE TRAJTIMIN E SPORTISTËVE, QË PËRFITOJNË STATUSIN E NIVELIT TË
LARTË, DHE TRAJNERËVE TË TYRE”, TË NDRYSHUAR**

Në mbështetje të nenit 100 të Kushtetutës dhe të pikës 5, të nenit 27, të ligjit nr. 79/2017, “Për sportin”, të ndryshuar, me propozimin e ministrit të Turizmit, Kulturës dhe Sportit , Këshilli i Ministrave

VENDOSI:

I. Në vendimin nr. 789, datë 15.12.2021, të Këshillit të Ministrave, “Për kriteret, mënyrën e shpërblimit dhe trajtimin e sportistëve, që përfitojnë statusin e nivelit të lartë, dhe trajnerëve të tyre”, të ndryshuar, bëhen këto shtesa dhe ndryshime:

1. Në pikën 4 bëhen shtesat e mëposhtme:

a) Pas fjalëve “Masa e shpërblimit financiar ...” shtohen “... për sportet olimpike ,...”;

b) Pas fjalëve “... ndërkombëtare/kombëtare e atij sporti ...” shtohet fjalia, me këtë përmbajtje:
“Për sportet joolimpike, shpërblimi financiar është në masën 40 (dyzet) % të vlerave të përcaktuara në tabelën I dhe në masën 100% të vlerave të përcaktuara në tabelën II.”.

2. Pas pikës 4 shtohet pika 4/1, me këtë përmbajtje:

“4/1. Sportisti shpërblehet financiarisht vetëm për një rezultat sportiv të arritur në veprimtaritë ndërkombëtare zyrtare, Kampionat Botëror, Evropian, Ballkanik, gjatë vitit kalendarik, në një disiplinë, sipas tabelës nr. I. Në sportin e peshëngritjes, sportisti i klasifikuar në dygarësh shpërblehet vetëm për rezultatin përfundimtar, në masën 100%.”.

3. Në fund të pikës 6 shtohet fjalia, me këtë përmbajtje:

“Kategoria “të rinj” përcaktohet nga niveli “*Junior Championship*” i kampionatit ndërkombëtar ose në moshat U-16, U-17, U-18, U-19 vetëm në rastet kur mungon kategoria “*Junior Championship*” në federatat përkatëse ndërkombëtare.”.

4. Në pikën 9, togfjalëshi “... 2 500 (dy mijë e pesëqind) ...” zëvendësohet me “... 3 500 (tre mijë e pesëqind) ...”.

5. Pika 13 ndryshohet, si më poshtë vijon:

“13. Për shpërblimin financiar dhe trajtimin e sportistit të nivelit të lartë, për sportet individuale, që ka arritur rezultate në veprimtaritë ndërkombëtare, sipas tabelës nr. I, federata shqiptare sportive përkatëse aplikon në portalin unik qeveritar “*e-Albania*”. Në aplikim përcaktohet rezultati përfundimtar në veprimtarinë ndërkombëtare, në të cilën sportisti ka marrë pjesë, si dhe deklarimi i federatës që sportisti nuk ka rekorde pozitive të *doping*-ut, të konfirmuar nga Organizata Kombëtare Antidoping. Ministria përgjegjëse për sportin verifikon përmbushjen e kriterëve pas marrjes së kërkesës dhe, në rast të të metave në aplikim, aplikuesi ka të drejtën për plotësimin e tyre brenda afatit shtatëditor.”.

6. Pas pikës 13 shtohet pika 13/1, me këtë përmbajtje:

“13/1. Federata duhet të kryejë pagesën e shpërblimit të sportistit dhe trajnerit brenda 30 (tridhjetë) ditëve nga disbursimi i fondeve nga ministria përgjegjëse për sportin.”.

7. Pika 17/1 ndryshohet, si më poshtë vijon:

“17/1. Procedura e aplikimit sipas këtij vendimi, nëpërmjet portalit unik qeveritar “e-Albania”, zbatohet pasi ministria përgjegjëse për sportin të publikojë në Buletinin e Njoftimeve Zyrtare realizimin e shërbimit elektronik. Deri në këtë njoftim, aplikimet do të dorëzohen në formë shkresore pranë ministrisë përgjegjëse për sportin.”.

II. Tabela nr. 1, bashkëlidhur vendimit, zëvendësohet me tabelën me të njëjtin numër, që i bashkëlidhet këtij vendimi dhe është pjesë përbërëse e tij.

III. Ngarkohen Ministria e Turizmit, Kulturës dhe Sportit dhe organizatat sportive shqiptare për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

Tabela nr. 1:

Veprimtaria	Rezultati	Masa e shpërblimit
	Rekord olimpik	15 000 000 lekë
	Rekord botëror	15 000 000 lekë
	Rekord evropian	6 000 000 lekë
	Rekord mesdhetar	3 000 000 lekë
	Rekord ballkanik	1 500 000 lekë
Lojëra olimpike	Vendi i parë	15 000 000 lekë
Lojëra olimpike	Vendi i dytë	10 000 000 lekë
Lojëra olimpike	Vendi i tretë	7 000 000 lekë
Lojëra olimpike	Vendi i katërt	4 000 000 lekë
Lojëra olimpike	Vendi i pestë	2 000 000 lekë
Lojëra olimpike	Vendi i gjashtë	1 000 000 lekë
Lojëra olimpike	Vendi i shtatë	800 000 lekë
Lojëra olimpike	Vendi i tetë	500 000 lekë
Kampionat botëror	Vendi i parë	10 000 000 lekë
Kampionat botëror	Vendi i dytë	6 000 000 lekë
Kampionat botëror	Vendi i tretë	4 000 000 lekë
Kampionat botëror	Vendi i katërt	2 000 000 lekë
Kampionat botëror	Vendi i pestë	1 000 000 lekë
Kampionat botëror	Vendi i gjashtë	800 000 lekë
Kampionat botëror	Vendi i shtatë	600 000 lekë
Kampionat botëror	Vendi i tetë	400 000 lekë
Kampionat evropian	Vendi i parë	4 000 000 lekë
Kampionat evropian	Vendi i dytë	2 000 000 lekë
Kampionat evropian	Vendi i tretë	1 000 000 lekë
Kampionat evropian	Vendi i katërt	800 000 lekë
Kampionat evropian	Vendi i pestë	600 000 lekë
Kampionat evropian	Vendi i gjashtë	400 000 lekë
Lojëra Mesdhetare	Vendi i parë	2 000 000 lekë
Lojëra Mesdhetare	Vendi i dytë	1 000 000 lekë
Lojëra Mesdhetare	Vendi i tretë	800 000 lekë

Kampionati Ballkanik	Vendi i parë	1 000 000 lekë